

睢寧縣志卷八

知縣劉如晏鑒定

訓導沈紹藩較閱

貢生李杰編纂

人物

分忠臣鄉賢清操文學善行俠烈六格

叔孫豹論三不朽曰立德立功立言人物者功德及人而文章垂世古之所謂不朽也舊志誤以縣為蘭陵則凡史之蘭陵稱者不問其為東海郡為臨淮郡皆繫焉維楚有材晉實用之顧足借光簡冊耶汰贗

睢寧縣志

卷八 人物

覈真撮其表當時型後世足以當不朽者志人物

忠臣

元匡才漢丞相衡之裔也雄勇多智好讀孫吳家言仕金為武畧將軍金亡率所部歸元尋拔五城授沂邳東河監軍丙午邳人袁萬作亂公破之加沂邳東河監戰兵馬使戊戌徐守張名叛公復破之進沂邳東河元帥兼建武軍節度副使壬子宋兵大入境戰不利死之延祐二年勅賜褒德碑以旌其忠詳載程雪樓碑記

論曰公夙立顯功殺身爲國生則三陞其官死則特表其墓信足以當之夫人高氏節以全身子國攻孝以活母朝廷旌其里曰貞孝皆公之忠義有以倡導之也豈偶然哉

全文瑞仕元官至兵部尚書出鎮潼關有功晉秩元帥挂印明與與太祖軍相拒戰及元亡隱居不仕

論曰公忠於元者也不以天命有歸而遽改臣節豈非天不能奪者哉

鄉賢

睢寧縣志

卷八 人物

二

明湯思恭由舉人歷仕至臨安知府萬曆初年府舊志載其居官公廉閭里推服從祀鄉賢

論曰公當成祖朝勵精圖治特重守令之選以郡守而入鄉賢必有政績可傳奈以代遠無徵惜哉

高瑁由進士授戶部主事督徐州倉考最仕至山東提學道僉事居官忠直不避權倖時宦官劉瑾擅作威福其使者坐於公案公大怒責譴之以此忤瑾遂坐以事下刑部瑾敗得釋舉朝重之從祀鄉賢

論曰武宗之任劉瑾至於操黜陟擅生殺矣時大

僚出其門下者比比公以外官而敢於責遺其使可不謂烈丈夫哉

王應乾由進士歷宰太康及棠邑所在風厲有聲仕至大名道叅議兼河南按察使司副使雖舊有驛站馬皆養之民間以賠累破其家者多矣大爲民害公白之各憲請改折馬價編入正項民甚便之從祀鄉賢

論曰養馬病民害之大者也以公之力得甦六困卽此可俎豆於鄉矣

睢寧縣志

卷八 人物

三

霸李枝翹由拔貢任官學教習考授知縣回籍候選天性孝友父母並登八十色養不衰有異母幼弟先入所遺田宅悉推讓又割己產益之仗義輕財平生多大節名半海內所至賢士大夫雅重之詩文投贈之富彙輯成帙自著有商芝館集燕臺三體詩諸刻邑於順治十六年陞科額外荒田四千一百餘頃隨經水沉積逋歲增官民交累翹力白知縣石之致請之各憲會題下部議以考秩入都復叩部瀝陳勘實

題覆奉

俞旨將額外水沉地糧永行除豁康熙十六年時河患  
方劇條陳河務十九事 河督靳公嘉納之冊留酌  
行地方大利大弊抗直敢言諸凡興革資建白之力  
居多康熙五十七年知縣劉如晏詳請從祀鄉賢  
論曰士君子達則功見於世窮則德及於鄉惟視  
乎其時公澤被通邑古所謂鄉先生歿而可祀於  
社者庶足當之矣

清操

仝社由歲貢嘉靖時判湖州府正直廉明院道交薦

睢寧縣志

卷八 人物

四

每巡郡邑舉以風有位歸之日行李蕭然士民遮道  
酒泣留衣履葬之者七碑石紀其事者三鹿門茅坤  
記碑石有云潔身如處子守官如力家愛民則如慈  
母之乳子祀湖州名宦

論曰府判非守令比不專莅民之權而能以政績  
表見於時生民被澤太吏交薦可謂以別駕展其  
驥足者矣

郭深由歲貢任山西州同知居官清介一載辭歸自  
賦詩云一條扁担兩荆箱向晚南行過太行多少黎

民憐我苦清風一路到家鄉

舊志未詳某州  
據郭譜係澤州

周翥由歲貢任臨朐縣丞攝縣篆一載心慈行潔士  
民愛戴及歸里大司馬遲公鳳翔贈以詩有皇朝寵  
祿三天永宦邸流風百世清之句

論曰二公皆州縣佐而能以廉著信乎循良之稱  
不惟其官惟其人也

### 文學

明丘成大爲諸生有文名淮安郡大守詹公以名進士  
衡科試文不分州縣編號糊名彙爲一榜拔成大卷

### 睢寧縣志

#### 卷八 人物

五

冠全淮山盪士論沸騰不屑爲下邑屈詹公如前法  
覆試仍冠軍衆始帖服著有四書詩經丘子約言二  
部卒以歲薦終其身

論曰丘子以文章受知於詹公名冠全淮亦潛修  
之光也然不能博一第以明經老其命也夫

劉永慶天啟丁卯科舉人丘成大之門人也幼賦奇  
才爲諸生科歲觀風季考連拔以冠軍者十有五次  
丁卯應縣科試知縣楊若桐挾刑具入考場永慶白  
之於庭曰科試朝廷大典非審以也排列刑具何爲

楊公叱之曰爾如此狂焉得中永慶曰打手楊公以掌拍之果以是科中戊辰丁父艱丁丑科會試同考黃道周以公卷薦會元主考與道周有隙不允中元力爭兩不相下抑置副榜公曰此命也遂就職初任浮山知縣陞開州知州以文章名於世啟 天下十八俊公其一也

論曰明帖括取士而以文名於世者代不數人公具奇才而復銳志於學其享盛名不虛矣書舍嘗自粘一聯云不下死工夫怎出活地獄可為後學

睢寧縣志

卷八 人物

六

針砭

霸丘園卜順治甲午科舉人辛丑科進士治詩經選壇推為名家有葩義專稿膾炙人口初任萬泉知縣丁父艱補費縣知縣陞平遠知州三任有司皆應聘為同考官平遠以邊缺考最擢工部管繕司員外遷屯田司郎中康熙庚午科河南副主考仕至湖廣提學道僉事五掌文衡所得多知名之士候補叅議回籍家居猶手不釋卷最喜汲引後進論文必宗先輩法程尤邃於書理屏去一切講義惟於大文集註沉思

靜悟得之嘗語人以看書之法其生平得力在此  
論曰公以高第仕至大叅歷掌文衡可謂得書中  
之報者抑知讀書時其沉思靜悟獨得所宗王云  
爾哉後學有志科目者以公為指南可矣

周世璽順治戊子拔貢中是科副榜為諸生有文名  
知縣殷岳培風會其所首推者也試輒冠軍殷公常  
以暮夜步行就晤於深柳堂

世璽書舍堂額殷公手題

談文賦詩

每至夜分忘形下交其見重如此時教諭許瑤為常  
熟名魁每閱公文歎曰奇才及壬辰登第房牘借刻  
公文十居其半康熙元年任贛東四會知縣風廟有  
賢能名甫一載餘以疾卒於官

睢寧縣志

卷八 人物

七

論曰學問人事也遇合天命也自古為然公之於  
文可謂持滿而發而僅中副車命之不猶士論有  
深惜焉

善行

明沈彥禮趙翥周彥民正統中歲大歉各納粟千石以  
賑飢民奏勅旌獎

論曰捐粟各至千石活人衆矣受旌於朝豈不有

榮施哉

王知止少習詩書長精騎射性慷慨剛直言動不苟  
庭訓子弟必以忠孝其次兄早逝遺孤五歲撫若已  
出既而孤又歿事嫂如兄歿身不怠成嫂陳氏之節  
高作集有夫鬻妻者詰無他故貧不能存遂掘粟麥  
助之俾得完聚其制行類如此

論曰撫兄子之孤成嫂氏之節其友愛之出於天  
性者厚矣至捐粟麥以完人夫婦則尤能慷慨以  
行仁焉

睢寧縣志

卷八 人物

八

李玉鉉幼穎慧讀書過目成誦爲諸生閱李氏斯文  
之始天性孝友父母生養死葬悉身任之不以問及  
其兄有妹幼孀而貧併子女收育養之以終其節居  
鄉排難解紛多所息睦地方有大利弊抗直敢言不  
憚請公府力爭之

論曰士君子不遇於時而倫常大節有所表見其  
本立矣至排難解紛則有魯仲連之風焉

周宗輔性友愛自遠祖以來歷七世未析居及宗輔  
掌家務益置田廬減子孫世守家法鄉人莫不服其



義

論曰張公藝九世同居史冊垂爲美談宗輔七世不分其亦聞公藝之風而興起者乎

魏夢豸雲夢知縣夢蛟之弟也性喜爲善崇 十四

年歲大歉同里師村社逋欠百餘金苦於徵比夢豸出已囊代輸欠戶得以無擾又築建城池捐助銀五十兩勒北門石上知縣高岐鳳給扁旌之曰樂善不倦

論曰高公之治睢以猛非濫於褒美者夢豸以一

部民爾特給扁旌之謂之樂善其名不虛矣

蕭季枝芳明季任廣東四會縣主簿勦賊有功陞廣西桂林府經歷華代後晚年家居不仕輕財好施順治十六年歲大歉出麥粟千餘石賑救鄉里賴以存活者衆

論曰當穀價騰貴之時麥千石價可三千餘金出之無吝色可謂豪俠不羣者矣

李枝萼由恩貢考授府通判需次已及以父母年高辭不仕性嗜詩書尤喜成就人才建義學於居宅之

東名崇文書院攢經史其中聘名師課授生徒貧家子輒招至就學遇能文之士喜動鬚眉親疎恩怨不計也順治十六年歲大歉里人缺食捐粟二百石賑救之

論曰書院之設起於唐而盛於宋明則所在皆有然亦視乎其人耳公自喜讀書尤篤喜人讀書其有得於文翁化俗之遺風乎

劉履和及其弟履吉履坦履坤皆諸生父在時各皆析產及父卒之後兄弟復同居相誠不聽婦人言家

務糧差及訓課子姪各有專司鄉里推爲義門

論曰兄弟之離析半起於妻子人情大抵然也和等旣分而合且收復於父沒之後度越常情萬萬矣鄭濟對明太祖以同居之故曰惟公與忍曰不聽婦人言劉氏子其庶幾乎

狹烈

翁呂爾占生員呂應瑞子也瑞少失怙繼母撫之成立娶周氏生占甫十歲而周亡瑞誓不再娶訓子占必以義方占由歲薦以蒙城訓導未及赴任順治十年

九月膠寇突至火其西門城破占奮呼奔賊刀殺賊賊怒衆刺殺之身中數創罵不絕口死時同與難者廩監魏夢熊生員金雲慶王所重侯贊化傳貞默魏振吉李明台朱鉉湯孕奇胡恭人胡元調王遇賢全組張紀等共十五人

論曰膠寇之變以諸生而死於鋒鏑者若是其衆慘矣占書生也奪賊刀殺賊而爲賊所殺其氣亦烈矣哉

全翹貢生存奇子也幼業儒性醇朴不事華靡膠寇破城衆各驚逃翹祖母丘氏年八十餘翹與其妻張氏扶掖而行賊突至將殺丘翹夫妻泣跪環抱以身捍刃賊怒殺丘併及翹張氏亦投井死

論曰死於鋒刃與死於牀蓆等死也翹以捍衛祖母死張氏亦死翹之死則死賢於生

正誤 惟在西漢及魏晉皆爲睢陵考之正史確有明據舊志人物凡係蘭陵者不復載入

孝義

孝者顯親揚名其用廣矣人能好義則凡忠君信友  
勇戰敬官在所當為莫不推本於孝是故守身事親  
先不毀傷後世以孝立名乃有割股剖肝表表示異  
者睢陵國孝子王祥之食邑也祥事親孝與人義今  
有聞風而興起者乎孝圓義方色養幾諫其道圓端  
嚴正直其道方志孝義

明孫清正德時旌為孝子

本傳見藝文

康熙五十六年知縣

劉如晏為建孝子祠與王祥並祀

睢寧縣志

卷八

孝義

三

張淳母早喪父七旬淳事之極孝雖貧厚養父或  
不食已亦廢食父與鄰翁田焚善食輒邀與盡歡及  
父疾篤家有園圃盡質以資醫禱人或難之淳曰圃  
可再置父可再得耶其孝心淳篤如此

論曰孝庸德也惟庸故難淳之事父有焉

彭繼泰天性孺愛十歲母卒齋素三年事父守恩力  
田奉養及卒合葬荆山結廬墓左日嘗担土築墳風  
雨卽號泣拜護扉妻子斷酒肉者又三年遇其墓者  
咸指為孝子廬

論曰繼泰之孝出於天性十歲而齋豈人之所能  
強哉力田養父又夫子所謂庶人之孝也

割肝割股 附

元匡國政元帥才之子也仕元爲歸德府判官父死母  
孀居有疾政割肝療治旣而復疾又剔腦和藥疾竟  
愈母年八十九卒廬墓三載有群麕時至墓所若素  
叅者大爲本感所致延祐二年在司共事表其  
里曰貞孝

明劉簡父染病垂亡簡百計療之不效乃割股以進  
雕寧縣志 卷八 孝義 三

父病遂愈有司嘉其孝給扁旌之

陳守母病思肉食守貧不可得守割股肉以奉母  
病遂愈有司禮獎之

魏柱父坤疾篤思魚膾柱割股烹進父疾遂愈時  
大旱次日大雨鄉人以爲孝感所致知縣陳嘉畧扁  
其門曰割股孝親而靈樁復茂婉容政養而萱室忘  
憂此白山節婦周氏之祖翁也

馬宸庠生素孝友嘉靖年間隨父任年十三歲母  
病劇醫藥不效宸割股和藥病遂痊事聞巡按扁其

門曰純孝根心

馬沐貴宸之孫母鄭氏疾篤湯藥不效備深夜思肉食貴素貧因割脇以代之疾遂愈有司扁其門曰雙孝

袁得水父病久不痊遂割股和藥疾愈有司嘉其孝請各院給賞粟帛

廖 萬父疾篤忽思肉食家貧村居計無所出遂割股以進父疾愈及母疾亦然知縣申其學立扁旌之曰教民孝說見藝文志

睢寧縣志

卷八 孝義

古

李躍龍父養梧病篤藥不效龍割左股肉一片調羹以進父愈知縣康應奎旌其門

論曰身體髮膚受之父母不敢毀傷聖人之所謂孝也睢之孝以割股見者比比若匡氏子割肝剔腦尤孝之至變者明太祖命禮部刊榜詔誥天下割股廬墓聽其自便不在旌表之列此聖王示天下以服勞奉養爲庸行之常人人可盡割股廬墓非所以爲訓也然不愛其身以愛其親一念之誠君子亦有取焉

明朱用之正德時旌為義士

本傳見藝文

舊與主簿丘紳金

聲典史袁浩並祀養正社學久廢今專祀於義士祠  
按丘紳金聲正德時止錄其子入監因朱用之奉  
旨建祠故二公得以並祀繼而袁浩亦附焉今為  
作傳事以類從故不入宦績而列於忠義云

丘紳浙江龍泉人正德六年任主簿劉賊攻陷睢城  
死之事聞贈知縣錄其一子入監

金聲大嵩衛人正德七年任主簿劉賊復至屠戮慘  
酷聲捍禦陣亡事聞贈知縣錄其一子入監二公同

朱用之舊祀於養正社學今附祀忠臣祠

論曰捐軀禦寇後先相繼所謂忠爾忘身者耶朝  
錄其子睢世其祀二公死不朽矣

袁浩邑典史正德七年與主簿金聲捍賊同死於難  
今亦附祀忠臣祠

論曰劉寇之亂同官死難者三人若丘若金皆贈  
知縣錄其子矣而浩之子無聞舊志亦不詳其里  
居豈當時題旌者有遺畧與抑記事者忽之也若  
此類名湮沒而不彰非附青雲之士烏能聲施後

世哉

霸王相呂由舉人江南泰州人任教諭順治十年膠寇  
破城不屈赴泮池死事聞 諭祭贈國子監博士  
李之實由歲貢直隸延慶州人任訓導膠寇破城不  
屈遂被害事聞 諭祭贈國子監學錄二公舊祀名  
宦今改祀忠臣祠

論曰二公以教職無城守之責而捐軀赴死其節  
義足不朽矣若入名宦反掩其實改祀忠臣當亦  
二公所樂聞也



列女

余讀郡列女傳而有感也賢如漂母烈如孝婦尙矣  
雖地瘠而俗朴婦女工針紉議酒食外大家道韜之  
才世罕覯焉而以節烈見者踵相繼也褒旌之典載  
之朝常與忠臣義士爭烈矣志列女

節婦

明許氏周仲仁妻年二十二夫故撫二稚子成立孀居  
四十九年洪武三年懿文太子代巡御史張度奏之  
旌其門成化九年都御史張鵬爲之立傳

睢寧縣志

卷八 列女

七

劉氏朱一忠妻適夫三載忠故氏年二十家貧無子  
伶仃自守迄八十五歲而終有司表其門

胡氏鮑奎妻年三十夫故及其妾趙氏年十九家貧  
無子相依守節知府王公給扁旌之獎語云胡氏善  
遇婢妾能固結以終身趙氏善事嫡妻甘淒涼於年  
少一真相感二烈同心

王氏胡麒生妻年二十一夫故截髮剔目誓以死守  
姑病割股二次時稱節孝兩全

孫氏生員朱正吉妻夫早逝孀居家貧事養公姑者

針紉給食開拾橡粟佐之公姑俱登八十雙亡時大水沉城廬舍漂沒氏力脩棺殮逢居守節四十餘年壽七十教子孔陽孫大觀皆列於庠守節四十餘年壽七十有奇知縣曾佶旌之日純孝全節

高氏鮑佑妻年二十有孕夫疾篤嗚曰生子也育之善事吾母氏涕泣許之夫故守遺腹子事其姑果不負承訣語後姑與子相繼亡氏子立三十年事閭撫按歲給粟帛

胡氏徐五教妻年二十夫故止生二女姑令改適氏泣曰姑不幸無子妾不幸無夫何忍他適以女招壻壻亦早亡同女守節各憲優恤之

李氏朱印妻年二十夫故家貧無子氏工針線鬻食養姑姑卒及其婢名川芎者同志守節

鮑氏王庸止妻年二十二夫故生子方一歲氏業女工資生教子齒於庠不羣子早亡子身獨守年八十餘以苦節終

楊氏侯寧妻年二十二生子方兩月家貧姑欲奪其志氏堅貞自守至七十餘卒

武氏朱詔妻年二十夫故家貧無子女子守四十餘  
年事聞各憲給布粟以憫其節

李氏楊思讓妻年十九適夫讓故撫二稚子成立終  
身茹素白日忽含笑而逝

莊氏張道充妻選貢民極之母也年十九適夫事公  
姑能孝道充業儒早逝民極方六歲氏守節教子俾  
得以選拔成名事聞奉憲旌表

龔氏袁應之母年方笄夫早逝應乃遺腹子也撫之  
成立應亦以孝著事聞具題旌表

舊志未載大名

翁房氏庠增生李滋妻貢生杰之母也年十七子歸十  
九生子杰甫三月滋卒氏撫孤守節四十餘年家計  
亦薄擇師教子節衣約食不吝脩脯督課必嚴無尋  
常婦人姑息態晚年事孀姑王氏家貧歲荒藜藿自  
適甘旨不缺姑性嚴終身不致有怒色年終六十節  
孝兼全生死如一康熙二十六年巡撫趙公士麟

題請旌表五月初四日奉

旨給地丁銀三十兩建節孝坊於其門詳見蘇大參

爲立節本傳載藝文志

全氏慶監劉毓瑞妻年十七適夫生一子大受甫六歲毓瑞故苦節教子大受亦以廩監教授生徒文行兼優士林重之復教其孫兆熊兆麒兆祉並列於庠年八十有七貞操六十三載明率淮徐道徐標給扁旌之

劉氏生員魏振吉妻功貢劉萬初女也年十七適振吉至二十九歲夫故止有一子麟瑞撫養成立延師訓課得入邑庠今八十九歲計守節六十一年教諭江之淮訓導虞壽詳奉 學院李公振裕給扁旌曰

睢寧縣志

卷八 列女

三

節全教育

魏氏廩生傅貞默妻飲賓魏夢豸女也年十六適默至二十八歲默故生一子甫四歲後子復歿亡煢煢孑立苦節四十載年六十八以壽終教諭黃天嗣訓導虞壽詳奉 學院張公鳴翮給扁旌曰閭閻完人

王氏儒童丘夢鰲妻年十七適鰲甫二載順治十年膠寇破城鰲以守城與難氏年方十九遺孤圍逼僅七閱月氏五日不食誓以死殉孀姑杜氏勸以撫孤延夫後氏樞前刺血告奠誓與孀姑同守及姑卒生

養而葬皆能盡孝教子園通早年食餼丁酉年歲薦  
屢經府縣詳請旌表未蒙具  
題而 各憲旌語歷歷在案

丘氏監生丘夢賜女年十七適生員謝文徵子超爲  
妻至十九歲超染沉疴氏躬侍藥餌不懈神願代  
及病篤語夫以死從夫言父母年老無兄弟奉養誠  
勿死汝在卽我在也及故剪髮入棺示無二志遺孤  
教賜甫週歲撫之成立今以例入 國學公姑並年  
登七十餘遭夫遺囑生養死葬由盡婦道康熙五十

三年氏年六十有四守節四十五年通序表其事  
學院胡公潤給扁以節孝可嘉旌其門

陳氏庠監王登瀛妻候選州同承謨之母也年十七  
適瀛至二十九歲夫病久不痊氏親侍湯藥晝夜不  
懈及疾革痛悼不食公姑再三勸以事老育幼生賢  
於死氏今孀居二十載餘足跡不輕出中門生平上  
事公姑能孝以婦代子下教子輩最嚴以母代父族  
黨戚屬皆稱其賢通序公舉到學詳奉 學院余公  
正健給扁旌曰節孝可風

劉氏廩生丘雲鼎妻年十八適鼎至二十二歲夫病  
故氏尚未生子自分必死姑薛氏哀勸曰汝懷孕倘  
生男不斷汝夫後則賢於死遠矣遺腹果生男名曰  
凱氏上事公姑下育孤子三世一身艱苦萬狀凱娶  
陳氏生子環尚幼不幸凱復早亡今又與媳共撫孤  
孫二孀相依乳乳無告前於康熙四十五年通庠公  
舉到學牒縣詳府請旌未蒙具  
題其苦節終不可沒也

張氏廩生張啟圖女也年十九適儒童丘園枚爲妻

踰三載夫染沉疴侍疾一年有餘始終不懈及故遺  
孤子雲師甫三歲撫之成立以例入 國學夫故後  
家計涼薄公姑年老奉事尤艱未幾相繼去世棺殮  
喪葬皆由氏一力經營伯兄廩生園銓及嫂周氏亦  
皆早逝遺孤姪雲觀七歲雲肩週歲一同撫養愛如  
己子有胞弟生員張嶠氏勸之讀書繼父書香聞嘗  
繼以怒罵此則尤女中丈夫也康熙五十七年通庠  
公舉到學教諭費廷宣訓導沈紹藩牒縣知縣劉如  
晏詳府轉詳 學院謝公履厚給以節苦行芳旌

門

夏氏王世臣妻年十八適世臣二十三歲夫故哀慟  
絕食幾死孀姑鄭氏勸以有子可守長王璿方三歲  
次王欽方一週勵志苦守多方撫育璿入邑庠欽列  
明經皆母教也上事孀姑無昆弟代養熒熒相依歷  
三十有四年迄八十九歲而終生養死葬克盡婦道  
族黨賢之康熙五十七年通庠公舉到學教諭費廷  
宣訓導沈紹藩詳奉 學院謝公履厚給以節孝流  
芳旌其門

睢寧縣志

卷八 列女

三

總論曰從一而終婦人之大義也夫死而曰未亡人  
是當夫亡與亡也然爲夫守後以延宗祧豈不賢於  
死萬萬哉

烈女

明徐氏名雪梅州判徐儀女年十四正德六年劉寇破城被執欲犯之氏唾罵不已手擊賊面怒殺之御史江公上其事旌表

嚴氏名銳兒嚴清女年十六正德六年劉寇破城札營於其家女匿穴中搜出戲令行酒氏厲色拒之不受污遂見殺御史江公同上其事旌表時稱雙烈

葛氏經歷陳思孔妻貢生乾元秉元之母也事舅姑能孝孀居守節教子成名崇九年流寇犯境被執

睢寧縣志

卷八 列女

十四

罵賊而死詳奉旌表

周氏魏文徵妻庠生周鳳翔女也年十九適夫甫一載徵故氏懷白刃欲自殺母姑百計救之終投繯死詳奉旌表淮徐道副使徐標贈以詩載藝文志

陳純姐陳嘉謬女庠生達道明道姊也年十七許字儒童張梧鳳未嫁鳳故氏聞訃一痛幾絕復甦茹毒自經父母百計防之越半月乘間投繯死各憲給扁旌其門工部郎中谷明登贈以詩載藝文志

耿氏生員周鳳集妻夫臥病久氏日親湯藥辛勤倍



至及卒視棺殮畢盡散家貲與諸昆弟至第七日自  
縊於夫柩前各憲給扁旌之士大天詩歌投贈甚富  
集爲金石錄

霸周氏生員王所相妻龍南知縣周繩武女也順治十  
年膠寇破城被獲欲犯之氏大罵曰吾名家女豈從  
賊乎奪賊刃自刎賊怒亂砍殺之至死罵不絕口事  
聞督撫表其閭曰節烈風世名垂青史所相終身誓  
不再娶

楊氏朱錦妻庠生楊履泰女也膠寇破城氏年二十

睢寧縣志

卷八 列女

五

五錦倉皇謂氏曰賊至矣宜毀容垢面以自伏匿氏  
笑曰此身當不令賊見毀容垢面何爲者遂與其小  
姑春姐攜手同赴泮池投水死三日後錦得其尸於  
泮池之東姑嫂相攜面目如生

朱春姐廬州府學教授朱廷獻女也事合載嫂楊氏  
傳中

胡成姐胡維綱妹年十七未適人膠寇破城執之身  
被數刃投泮池死綱亦迎戰死之

汪氏朱鍾妻年二十七膠寇破城義不受辱投泮池

死

張氏全翹妻庠生張毓琦女也膠寇破城翹與氏扶  
祖母丘氏年八十餘逃難路遇賊將殺丘夫婦環抱  
跪泣賊怒殺丘及翹氏號泣曰君爲祖母死我何忍  
獨生以負君乎遂投井死

沙氏全鮑妻膠寇破城鮑拒守戰死氏從公姑避兵  
於鄉歸未踰月治葬其畢自縊死之遺一子方匝月  
嫂魏氏撫之成立

張氏傳麒生妻年十九適夫麒抱病二載氏躬親湯

藥晝夜不懈及故次夜自縊於夫柩前姑救之復甦  
絕粒不食公姑泣勸再三不得已日飲白水半勺淹  
留十有九日嘔血數合而絕各憲給扁旌其門

胡氏名官人字于朝王廣盾妻貢生胡致中女也年  
十六適夫廣盾病劇氏親藥餌浹旬不解衣及故氏  
閉戶自經姑急解百計防之每朔望草小札命婢持  
焚夫墓祈死未幾歸寧忽心痛父母強以藥揮置之  
作矢別集趨歸夫室遂以是疾終矢別集並諸名人

弔詩載藝文志

馮氏劉商雲妻山東嘉祥舉人馮天祿女也年十六  
適夫未三載商雲病風癩氏躬親湯藥蓬首垢面七  
載不倦及故次朝視殮畢柩前自縊死之知縣陳鴻  
績上其事奉憲旌表

趙氏生員趙璧女許字邳州儒童張景緒未嫁景緒  
病故氏年十六聞訃自縊死合葬於邳治北之竹園  
知縣陳鴻績知府徐欒詳奉憲旌

陳氏劉師雲妻監生陳思道女也年十七適夫二載  
師雲病故氏卧牀不起嘔血死知縣陳鴻績知府徐

欒詳奉憲旌

李氏武思章妻年十八適夫五載生一女思章病故  
氏過繼伯氏子守之氏叔父謀之公姑以氏年少恐  
難守將嫁之期聞氏沈寤初嫁舊衣預日哭辭夫墓  
拜別公姑有五不嫁等語是夜自經死之知縣陳鴻  
績勒石表其墓贊載藝文志

趙氏生員趙珂女也年二十一適生員彭修齡爲妻  
踰七載事公姑孝謹夫患病久不痊氏每逢朔望焚  
香祝天願以身代及疾革決以死從公姑及家衆百

詞哀勸氏曰我無子可守義不可以苟活絕粒不入  
口延及五日而死通庠公舉到學詳奉學院許公汝  
霖旌以巾幗丈夫四字表其墓知縣丁昱勒石旌曰  
兩間正氣

凌氏儒童郭忻妻乃故生員郭畿原妻節婦周氏之  
兒婦也年二十一適忻事孀姑曲盡其孝越一載夫  
忽以時症故氏於次日卽自經以殉康熙四十四年  
知縣周鳳鳴詳府轉詳 藩司以例停給扁旌之

彭氏生員彭韶女也年二十適儒童葛超爲妻止生

一女至二十七歲夫染病日劇臨危對夫自訣曰吾  
必從君於地下及故家衆以女無所依交勸之氏曰  
女非子也守之何益家人防守甚密氏恐志不遂反  
以好言相慰防少懈夫歿後乘間自經死康熙五十  
年知縣王廷梅詳奉 學院張公元臣給以貞烈二  
字懸扁示獎

丘民生員丘園達女也年十九歲適監生彭麒爲妻  
至二十九歲康熙五十四年三月夫病故遺一子士  
洪方五歲氏泣曰吾義當死但此子尚在然有癖疾

未定吉凶吾惟視此子爲存亡是年十月士洪果獲  
子亡之三日氏乘間自經死知縣羅英詳府轉詳  
藩司以例停給扁旌之

胡氏鄉耆胡健女也年二十適生員張弘勳爲妻未  
及半載勳忽染疾身亡氏矢天誓日決以死從家衆  
以太姑年老無依勸留奉養供甘旨潔滌澣巨細必  
周踰一年太姑去世氏治喪葬畢卽歸寧周旋父母  
前不露悽愴色及返夫家遂自經以終其節年二十  
一歲康熙五十年知縣王廷梅詳奉 學院張公元

擬給扁旌表

王氏主翰修妻鄉耆王國佐女也年十九歲適夫未  
及五月翰修病一月有餘侍疾之勤刻不少懈及病  
故氏隨時盡節康熙五十一年通庠公舉到學詳奉  
學院胡公潤給扁旌曰志貫日月節烈可風

總論曰語云死節易守節難雖然死亦不易生者  
人之所欲殺身成仁惟志士仁人能之豈易得之  
婦人女子哉而睢之以烈見者比比當與志士仁  
人爭光矣

隱逸

易稱肥遯詩咏樂飢於陵仲子孟子弗之許也夫士必有所以隱落落難合一往而不返其視貪戀富貴之徒奚啻霄壤哉志隱逸

王應中崇 癸酉經魁革代後隱居不仕閉戶讀書以自娛居於城絕趾公庭有司以此益重之鄉同年大學士呂宮作招隱書勸之任先生辭以無吏治才不就與鄉人接和易可親不立崖岸時作諧談蓋亦有玩世之意焉

論曰人各行其志堯舜之世下有巢由公以當道招隱而毅然辭之風誠高矣

流寓

物不產於土可寶者多士不生於鄉可傳者貴其流寓之謂乎張良亡匿下邳圯上授書之事千古傳爲美談後之繼者何絕響也豈其地曠衍難於託足歟抑屢經戰爭先幾之士往往過而不留歟存此目也一如逸民之例志流寓

崔干城號兔牀河南寧陵人初與睢李枝翹相友善因家焉工書法尤長於詩古文詞博學強記卽以典故無不解者合肥龔端毅推公爲文章宗匠恨相識

之晚客都門一時學士大夫皆稱兔牀先生而不名流寓睢土三十餘年卒葬於此著有文集二十餘卷未刻

論曰先生以明季之亂去其鄉淪落於兵燹者危矣晚家於睢而才學爲世所重其猶玉之在璞珠之在蚌而光終不可揜者哉